

Gira mantu ngemujurka Program Aram Bekelala Enggau Kami UPMKB Begulai enggau Komuniti

SIBU: Kaban Kunsil Nengeri (ADUN) Tamin Ir. Christopher Gira Sambang mantu ngemujurka Program Aram Bekelala Enggau Kami Universiti Putra Malaysia Kampus Bintulu Sarawak (UPMKB) Begulai enggau Komuniti.

Program nya diatur di Rumah Jamban, Nanga Lebai di Ulu Mukah berengkah ari kemari, 8 ngagai 10 Mac tu.

Pegawai pusat khidmat DUN Tamin iya nya Alo Melian udah mantu Gira nyuaka pemerenggau bantu program nya.

Bantu sereta pemerinya udah diterima AJK Tajaan (UPMKB) Chris Ethan Romeo Osmund ba siti pengerami ti diatur di opis Pusat Khidmat DUN Tamin di Selangau, Hari Tiga.

“Ke penerang, Program Aram Berkelala Enggau Kami begulai enggau komuniti Rumah Jamban di Nanga Lebai diatur nembiak Kus QKK2101 Bakti Siswa (Kumpulan 1), Semester Kedua, Sesi Akademik 2023/2024, UPMKB.

“Program nya dipejalaika di Rumah Jamban,” ku iya ba media rama.

Dalam program tu, ku iya bisi sekeda slot aktiviti ti berguna bala licha bekunsi penemu pasal penyakit rabies, malam adat enggau main asal sereta gotong royong ngelingi rumah panjai.

Nitihka iya, tuju program nya kena nempa semangat kerejasama seraya terus bisi penyereta ari komuniti.

“Kelimpah ari nya, program tu mega deka nguna pengelandik mensia kena nyikap diri betapi enggau menua jemah ila ti lebih kompetitif ngena chara nempa kerejasama enggau nempa integrasyen antara nembiak UPMKB enggau komuniti,” ku iya.